

Broj: 02-14/3-2069/15
Sarajevo, 01.12.2015. godine

Na člana 25. i člana 70. stav 3. Zakona o javnim nabavkama ("Službeni glasnik BiH", broj: 39/14), a u vezi sa članom 11. Pravilnika o postupku direktnog sporazuma i o javnim nabavkama Federalnog ministarstva rada i socijalne politike br. 02-02/8-1501/15 od 16.06.2015. godine, federalni ministar rada i socijalne politike, **d o n o s i**

ODLUKU

o izboru najpovoljnijeg ponuđača i dodjeli ugovora u otvorenom postupku za nabavku robe u cilju opremanja Ustanove iz djelokruga socijalne zaštite-Ljubuški za LOT 2

I

Najpovoljniji ponuđač za nabavku robe u cilju opremanja Ustanove iz djelokruga socijalne zaštite-Ljubuški, za LOT 2, izabran na osnovu provedenog otvorenog postupka javne nabavke, za koji je objavljeno Obavještenje na Portalu javnih nabavki dana 01.10.2015. godine, br. 327-1-1-5-3-1/15, je EUROGAST INTERNATIONAL d.o.o Čitluk.

II

Zadužuje se Sektor za pravne i kadrovske, ekonomsko-finansijske i opšte poslove da u roku od tri dana, a najkasnije u roku od sedam dana od dana donošenja ove Odluke istu dostavi svim ponuđačima koji su učestvovali u otvorenom postupku javne nabavke (LOT 2) i time ih ujedno obavijesti o rezultatima analize pristiglih ponuda.

III

Po okončanju roka za prigovor-žalbu ugovorni organ će sa izabranim ponuđačem zaključiti ugovor kojim će se regulisati međusobna prava i obaveze vezano za predmetnu nabavku shodno zahtjevima - uslovima ugovornog organa navedenim u Tenderskoj dokumentaciji i zakonskim propisima koji regulišu postupke ugovaranja.

IV

Ova Odluka stupa na snagu danom donošenja.

Obrazloženje

Odlukom federalnog ministra rada i socijalne politike br. 02-14/3-2069/15 od 21.08.2015. godine, pokrenut je postupak javne nabavke robe u cilju opremanja Ustanove iz djelokruga socijalne zaštite-Ljubuški. Obavještenje o pokretanju postupka br. 327-1-1-5-3-1/15 je objavljeno na Portalu javnih nabavki dana 01.10.2015. godine, kao i u Službenom glasniku BiH br. 77/15 dana 05.10.2015. godine.

Komisija imenovana Rješenjem br. 02-14/3-2069/15 dana 24.08.2015. godine, pristupila je otvaranju pristiglih ponuda 16.11.2015. godine, te utvrdila da su nakon isteka roka za dostavljanje ponuda propisanog u Tenderskoj dokumentaciji broj: 02-34/3-2069/15 i izmjena TD, blagovremeno dostavljene ukupno dvije ponude za LOT 2 i to:

1. Ponuđač EUROGAST d.o.o Čitluk, čija cijena ponude je 112.331,70 KM sa PDV-om,

2. Ponuđač REMA-TRADE d.o.o Laktaši, čija cijena ponude je 96.618,60 KM sa PDV-om, te isto konstatovala u Zapisniku sa otvaranja ponuda od 16.11.2015. godine.

Po okončanju javnog otvaranja ponuda Komisija je nastavila sa radom, te na više zatvorenih sjednica pristupila preispitivanju kvalifikovanosti ponuda u smislu da li su ponuđači dostavili sve dokaze propisane tenderskom dokumentacijom i utvrdila da:

za LOT 2 jedan (1) ponuđač ispunjava formalno-pravne, ekonomske i tehničke uslove odnosno zahtjeve ugovornog organa i to:

EUROGAST d.o.o Čitluk, odnosno da je ponuda prihvatljiva za ugovorni organ i da može biti predmet vrednovanja shodno utvrđenim kriterijima Obavještenjem o nabavci, odnosno tenderskom dokumentacijom.

Polazeći od iznad navedenih konstatacija, Komisija je nakon izvršene kvalifikacione i tehničke ocjene pristupila ekonomskom vrednovanju ponude shodno utvrđenom kriteriju ekonomski najpovoljnija ponuda, sa podkriterijima:

1. Cijena čija je vrijednost 80 %,
2. Garantni period čija je vrijednost 10 %,
3. Rok isporuke montaže čija je vrijednost 10 %, te je prihvatljiva ponuda sljedeća:

Ponuđač EUROGAST INTERNATIONAL d.o.o iz Čitluka, čija je cijena ponude 105.280,11 KM sa PDV-om.

Shodno utvrđenom, Komisija za javne nabavke imenovana Rješenjem br. 02-34/3-2069/15 od 24.08.2015. godine, utvrdila da je prvoplasirana i najpovoljnija ponuda za nabavku robe u cilju opremanja Ustanove iz djelokruga socijalne zaštite-Ljubuški, za LOT 2 ponuda ponuđača EUROGAST INTERNATIONAL d.o.o iz Čitluka, čija je cijena ponude 105.280,11 KM sa PDV-om, te da ista u potpunosti zadovoljava sve kriterije ugovornog organa navedene u tenderskoj dokumentaciji.

Na osnovu svega navedenog, federalni ministar rada i socijalne politike je prihvatio preporuku Komisije imenovane Rješenjem br. 02-14/3-2069/15 dana 24.08.2015. godine, te je odlučeno kao u dispozitivu.

Pouka o pravnom lijeku:

Svaki ponuđač koji smatra da je ugovorni organ u toku konkretnog postupka kod izbora najpovoljnijeg ponuđača prekršio odredbe Zakona o javnim nabavkama i/ili podzakonskih akata ima pravo uložiti žalbu na postupak u pisanoj formi u roku od deset (10) dana od dana zaprimanja odluke o izboru najpovoljnijeg ponuđača. Žalba se podnosi Uredu za razmatranje žalbi BiH, putem ugovornog organa i na način propisan Zakonom.

DOSTAVLJENO:

- Ponuđačima
- Sektoru za pravne i kadrovske, ekonomsko-finansijske i opšte poslove
- a/a

